

冲虛至德真經卷上

天瑞第一

子列子居鄭圃四十年人無識者國君卿大夫眎之猶衆庶也國不足將嫁於衛弟子曰先生往無反期弟子敢有所謁先生將何以教先生不聞壺丘子林之言乎子列子笑曰壺子何言哉雖然夫子嘗語伯昏瞀人吾側聞之試以告女其言曰有生不生有化不化不生者能生生不化者能化化生者不能不生化者不能不化故常生常化常生常化者無時不生無時不化陰陽爾四時爾不生者疑獨不化者往復其際不可終疑獨其道不可窮

黃帝書曰谷神不死是謂玄牝玄牝之門是謂天地之根綿綿若存用之不勤故生物者不生化物者不化自生自化自形自色自智自力自消自息謂之生化形色智力消息者非也子列子曰昔者聖人因陰陽以統天地夫有形者生於無形則天地安從生故曰有太易有太初有太始有太素太易者未見氣

也太初者氣之始也太始者形之始也太素者質之始也氣形質具而未相離故曰渾淪渾淪者言萬物相渾淪而未相離也視之不見聽之不聞循之不得故曰易也易無形埒易變而為一一變而為七七變而為九九變者究也乃復變而為一一者形變之始也清輕者上為天濁重者下為地冲和氣者為人故天地含精萬物化生子列子曰天地無全功聖人無全能萬物無全用故天職生覆地職形載聖職教化物職所宜然則天有所短地有所長聖有所否物有所通何則生覆者不能形載形載者不能教化教化者不能遠所宜宜定者不出所位故天地之道非陰則陽聖人之教非仁則義萬物之宜非柔則剛此皆隨所宜而不能出所位者也故有生者有生生者有形形者有聲聲者有聲聲者有聲者有聲色者有味味者有生之所生有死矣而生生者未嘗終形之所形者實矣而形形者未嘗有聲之所聲者聞矣而聲聲者未嘗發色之所色者彰矣而色色者

未嘗顯味之所味者嘗矣而味味者未嘗呈皆無為之職也能陰能陽能柔能剛能短能長能圓能方能生能死能暑能涼能浮能沉能宮能商能出能沒能玄能黃能甘能苦能羶能香無知也無能也而無不知也而無不能也子列子適衛食於道從者見百歲羸躄捷達而指頰謂弟子百豐曰唯子與彼知而未嘗生未嘗死也此過養乎過歡乎種有幾若蠅為鴉得水為醯得水土之際則為蠅蟻之衣生於陵屯則為陵鵠陵鳥得鬱桮則為鳥是鳥足之根為蜂蟪其葉為胡蝶胡蝶昏也化而為蟲生竈下其狀若脫其名曰駒撮駒撮千日化而為鳥其名曰乾餘骨乾餘骨之沫為斯彌斯彌為食醯醯食醯願輅生乎食醯黃輅食醯黃輅生乎九猷九猷生乎登為鶩鶩生乎腐蠶羊肝化為地臯馬血之為轉燐也人血之為野火也鷄之為鷄鷄之為布穀布穀久復為鷄也燕之為蛤也田鼠之為鴉也朽木之為魚也老韭之為莧也老鞠之為菰也魚卵之為蠶夏爰之獸自孕而

生曰類河澤之鳥視而生曰鵠純鳴其名大
腰純雄其名釋蜂思士不妻而感思女不夫
而孕後稷生乎巨跡伊尹生乎空桑厥昭生
乎淵醜離生乎酒羊奚比乎不筍久竹生青
寧者寧生程程生馬馬生人人久入於機萬
物皆出於機皆入於機

黃帝書曰形動不生形而生影聲動不生聲
而生響無動不生無而生有形必終者也天
地終乎與我偕終終進乎不知也道終乎本
無始進乎本不久有生則復於不生有形則
復於無形不生者非本不生者也無形者非
本無形者也生者理之必終者也終者不得
不終亦如生者之不得不生而欲恒其生盡
其終感於數也精神者天之分骨骸者地之
分屬天清而散屬地濁而聚精神離形各歸
其真故謂之鬼鬼歸也歸其真宅黃帝曰精
神入其門骨骸反其根我尚何存人自生至
終大化有四嬰孩也少壯也老耄也死亡也
其在嬰孩氣專志一和之至也物不傷焉德
莫加焉其在少壯則血氣飄溢欲慮充起物

所攻焉德故衰焉其在老耄則欲慮去焉體
將休焉物莫先焉雖未及嬰孩之全方於少
壯間矣其在死亡也則之於息焉反其極矣
孔子遊於太山見榮啓期行乎郕之野鹿裘
帶索鼓琴而歌孔子問曰先生所以樂何也

對曰吾樂甚多天生萬物唯人為貴而吾得
為人是一樂也男女之別男尊女卑故以男
為貴吾既得為男矣是二樂也人生有不見
日月不免襁褓者吾既已行年九十矣是三
樂也貧者士之常也死者人之終也處常得
終當何憂哉孔子曰善乎能自寬者也林類
年且百歲底春被裘拾遺德於故畦並歌並
進孔子適衛望之於野顧謂弟子曰彼叟可
與言者試往訊之子貢請行逆之隴端面之
而嘆曰先生曾不悔乎而行歌拾德林類行
不留歌不輟子貢叩之不已乃仰而應曰吾
何悔邪子貢曰先生少不勤行長不競時老
無妻子死期將至亦有何樂而拾德行歌乎
林類笑曰吾之所以為樂人皆有之而反以
為憂少不勤行長不競時故能壽若此老無

妻子死期將至故能樂若此子貢曰壽者人
之情死者人之惡子以死為樂何也林類曰
死之與生一往一反故死於是者安知不生
於彼故吾知其不相若矣吾又安知營營而
求生非惑乎亦又安知吾今之死不愈昔之

生乎子貢聞之不喻其意還以告夫子夫子
曰吾知其可與言果然彼得之而不盡者
也子貢倦於學告仲尼曰願有所息仲尼曰
生無所息子貢曰然則賜息無所乎仲尼曰
有焉耳望其瘡軍如也宰如也墳如也雨如
也則知所息矣子貢曰大哉死乎君子息焉
小人伏焉仲尼曰賜汝知之矣人胥知生之
樂未知生之苦知老之憊未知老之佚知死
之惡未知死之息也晏子曰善哉古之有死
也仁者息焉不仁者伏焉死也者德之微也
古者謂死人為歸人夫言死人為歸人則生
人為行人矣行而不知歸失家者也一人失
家一世非之天下失家莫知非焉有人去鄉
土離六親廢家業遊於四方而不歸者何人
哉世必謂之為狂蕩之人矣又有人鍾賢世

矜巧能修名譽誇張於世而不知己者亦何人哉世必以為智謀之士此二者胥失者也而世與一不與一唯聖人知所與知所去或謂子列子曰子莫貴虛列子曰虛者無貴也子列子曰非其名也莫如靜莫如虛靜也虛也得其居矣取也與也失其所矣事之破為而復有辨仁義者弗能復也粥熊曰運轉亡已天地容移疇覺之哉故物損於彼者盈於此成於此者虧於彼損盈成虧隨世隨死往來相接間不可省疇覺之哉凡一氣不頓進一形不頓虧亦不覺其成不覺其虧亦如人自世至老貌色智慧亡日不異皮膚小髮隨世隨落非嬰孩時有傳而不易也間不可覺俟至後知杞國有人憂天地崩墜身亡所寄廢寢食者又有憂彼之所憂者因往曉之曰天積氣耳亡處亡氣若屈伸呼吸終日在天中行止奈何憂崩墜乎其人曰天果積氣日月星宿不當墜邪曉之者曰日月星宿亦積氣中之有光耀者只使墜亦不能有所中傷其人曰奈地壞何曉者曰地積塊耳充塞四

虛亡處亡塊若躡步趾陷終日在地上行止奈何憂其壞其人舍然大喜曉之者亦舍然大喜長虛子聞而笑之曰虹霓也雲霧也風雨也四時也此積氣之成乎天者也山嶽也河海也金石也水火也此積形之成乎地者也知積氣也知積塊也矣謂不壞夫天地空中之一細物有中之最巨者難終難窮此固然矣難測難識此固然矣憂其壞者誠為大遠言其不壞者亦為未是天地不得不壞則會歸於壞過其壞時矣為不憂哉子列子聞而笑曰言天地壞者亦謬言天地不壞者亦謬壞與不壞吾所不能知也雖然彼一也此一也故生不知死死不知生來不知去去不知來壞與不壞吾何容心哉齊問乎魯曰道可得而有乎曰汝身非汝有也汝何得有夫道齊曰吾身非吾有孰有之哉曰是天地之委形也生非汝有是天地之委和也性命非汝有是天地之委順也孫子非汝有是天地之委蛻也故行不知所往處不知所持食不知所所以天地強陽氣也又胡可得而有邪齊

之國民大富宋之向氏大貧自宋之齊請其術國民告之曰吾善為盜始吾為盜也一年而給二年而足三年大穰自此以往施及州閭向氏大喜喻其為盜之言而不喻其為盜之道遂踰垣擊室手目所及亡不探也未及時以賊獲罪沒其先居之財向氏以國民之謬已也往而怨之國民曰若為盜若何向氏言其狀國民曰嘻若夫為盜之道至此乎今將告若矣吾聞天有時地有利吾盜天地之時利雲雨之滂澗山澤之產育以生吾未殖吾稼禁吾垣建吾舍陸監禽獸水盜魚鼈亡非盜也夫禾稼土木禽獸魚鼈皆天之所生豈吾之所有然吾盜天而無殃夫金玉珍寶穀帛財貨人之所聚豈天之所與若盜之而獲罪孰怨哉向氏大惑以為國民之重罔已也遇東郭先生問焉東郭先生曰若一身庸非盜乎盜陰陽之和以成若生載若形況外物而非盜哉誠然天地萬物不相離也何而有之皆感也國民之盜公道也故亡殃若之盜私心也故得罪有公私者亦盜也亡公私

者亦盜也公公私天地之德知天地之德者孰為盜耶孰為不盜耶

黃帝第二

黃帝即位十有五年喜天下戴已養正命娛耳目供鼻口焦然肌色肝爛肝爛昏然五情爽惑又十有五年憂天下不治竭聰明進智力營百姓焦然肌色肝爛肝爛昏然五情爽惑黃帝乃喟然讚曰朕之過淫矣養一已其患如此治萬物其患如此於是放萬機舍官寢去直侍徹鍾懸滅厨膳退而間居大庭之館齋心服形三月不親政事晝寢而夢遊於華胥氏之國華胥氏之國在弇州之西台州之北不知斯齊國幾千萬里蓋非舟車足力之所及神遊而已其國無帥長自然而已其民無嗜慾自然而已不知樂生不知惡死故無天殤不知親已不知踈物故無愛憎不知背逆不知向順故無利害都無所愛惜無所畏忌入水不溺入火不熱斫撻無傷痛指撻無痛指撻無痛乘空如履寢虛若處林雲霧不礙不礙其視雷霆不亂其聽美惡不滑其

心山谷不躡其步神行而已黃帝既寤怡然自得召天老力牧太山稽告之曰朕間居三月齋心服形思有以養身治物之道弗獲其術疲而睡所夢若此今知至道不可以情求矣朕知之矣朕得之矣而不能以告若矣又

二十有八年天下大治幾若華胥氏之國而帝登假百姓號之二百餘年不報列姑射山在海河洲中山上有神人焉吸風飲露不食五穀心如淵泉形如處女不假不愛仙聖為之臣不畏不怒原慈為之使不施不惠而物自足不聚不斂而已無愆陰陽常調日月常明四時常若風雨常均宇育常時年穀常豐而土無札傷人無天惡物無疢癘鬼無靈響焉列子師老商氏友伯高子進二子之道乘風而歸尹生聞之從列子居數月不省舍因問請斬其術者十反而十不告尹生懟而請辭列子又不命尹生退數月意不已又往從之列子曰女何去來之頻尹生曰曩章戴有請於子子不我告固有憾於子今復脫然是以又來列子曰曩吾以汝為達今汝之鄙至

此乎姬將告女所學於夫子者矣自吾之事夫子友若人也三年之後心不敢念是非口不敢言利害始得夫子一眄而已五年之後心更念是非口更言利害夫子始一解顏而笑七年之後從心之所念更無是非從口之

所言更無利害夫子始一引吾筵席而坐九年之後橫心之所念橫口之所言亦不知我之是非利害歟亦不知彼之是非利害歟亦不知夫子之為我師若人之為我友內外進矣而後眼如耳耳如鼻鼻如口無不同也心凝形釋骨肉都融不覺形之所倚足之所履隨風東西猶木葉幹殼竟不知風乘我邪我乘風乎今女居先生之門曾未決時而懟憾者再三汝之片體將氣所不受汝之一節將地所不載履虛乘風其可幾乎尹生甚怍屏息良久不敢復言列子問關尹曰至人潛行不空蹈火不執行乎萬物之上而不懷請問何以至於此關尹曰是純氣之守也非智巧果敢之列姬魚語女凡有貌像聲色者皆物也物與物何以相遠也夫奚足以至乎先是

色而已則物之造乎不形而止乎無所化夫得是而窮之者焉得而正焉彼將處乎不深之度而藏乎無端之紀游乎萬物之所終始當其性養其氣舍其德以通乎物之所造夫若是者其天守全其神無卻物莫自入焉夫醉者之墜於車也雖疾不死骨節與人同而犯害與人異其神全也乘亦弗知也墜亦弗知也死生驚懼不入乎其曾是以故運物而不懼彼得全於酒而猶若是而况得全於天乎聖人藏於天故物莫之能傷也列禦寇為伯昏無人射引之盈貫指盃水其肘上登之鍋矢復者方矢復寓當是時也猶象人也伯昏無人曰是射之射非不射之射也當與登高山履危石臨百仞之淵若能射乎於是無人遂登高山履危石臨百仞之淵背遠巡足二分垂在外揖禦寇而進之禦寇伏地汗流至踵伯昏無人曰夫至人者止聞青天潛黃泉揮斤八極神氣不變今汝休然有恂目之志爾於中也殆矣夫范氏有子曰子華善養私名舉國服之有寵於晉君不仕而居三

卿之古目所偏視晉國爵之口所偏肥晉國黜之遊其庭者侔於朝子華使其僕客以智鄙相攻強弱相凌雖傷破於前不用介意終日夜以此為戲樂國殆成俗禾生子伯范氏之上宮出行經垆外宿於田更商丘開之舍中夜禾生子伯二人相與言子華之名孰能使存者亡亡者存富者貧貧者富商丘開先寤於飢寒潛於牖北聽之因假糧荷畚之子華之門子華之門徒皆世族也縞衣乘軒履女開視顧見商丘開年老力弱面目黧黑衣冠不檢莫不賤之切支既而抑侮欺詭譎切必結挨切商枕切男亡所不為商丘開常無愠容而諸客之技單僮於戲笑遂與商丘開俱乘高臺於東中漫言曰有能自投下者賞百金眾皆競應商丘開以為信然遂先投下形若飛鳥揚於地骸骨無殘范氏之黨以為偶然未詎怪也因復指河曲之隘隈曰彼中有寶珠沫可得也商丘開復從而沫之既出果得珠焉眾訪同疑子華助令豫肉食衣帛之次俄而范氏之藏大火子華曰若能

入火取錦者從所得多少實若商丘開往無難色入火往運埃不漫身不焦范氏之黨以為有道乃共謝之曰吾不知子之有道而誕子吾不知子之神人而辱子子其愚我也子其孽我也子其盲我也敢問其道商丘開曰吾亡道雖吾之心亦不知所以雖然有一於此試與子言之曩子二客之宿吾舍也聞譽范氏之勢能使存者亡亡者存富者貧貧者富吾誠之無二心故不遠而來及來以子黨之言皆實也唯恐誠之之不至行之之不及不知形體之所措利害之所存也心一而物亡逆者如斯而已今矧知子黨之誕我我內藏猶慮外矜觀聽追事昔日之不焦溺也但然內熱惕然震悸矣水火豈復可近哉自此之後范氏門徒路過乞兒馬醫弗敢辱也必下車而揖之宰我聞之以告仲尼仲尼曰汝弗知乎夫至信之人可以感物也動天地感鬼神橫六合而無逆者豈但履危險入水火而已哉商丘開信偽物猶不逆况彼我皆誠哉小子識之周宣王之牧正有役人梁蕪者

能養野禽獸委食於園庭之內雖虎狼鷓鴣之類無不柔馴者雖雄在前羣尾成羣異類雜居不相搏噬也王慮其術終於其身令毛丘園傳之梁鸞曰鸞賤役也何術以告爾懼王之謂隱於爾也且一言我養虎之法凡順之則喜逆之則怒此有血氣者之性也然喜怒豈妄發哉皆逆之所犯也夫食虎者不敢以生物與之為其殺之之怒也不敢以全物與之為其碎之之怒也時其飢飽適其怒心虎之與人異類而媚養已者順也故其殺之逆也然則吾豈敢逆之使怒哉亦不順之使喜也夫喜之復也必怒怒之復也常喜皆不中也今吾心無逆順者也則鳥獸之視吾猶其儔也故遊吾園者不思高林曠澤寢吾庭者不顧深山幽谷理使然也顏回問乎仲尼曰吾嘗濟乎觴深之淵矣津人操舟若神吾問焉曰操舟可學邪曰可能游者可教也善游者數能乃若夫没人則未嘗見舟而操操之者也吾問焉而不告敢問何謂也仲尼曰諧吾與若玩其文久矣而未達其實而固且

道與能游者可教也輕水也善游者之數能也忘水也乃若夫没人之未嘗見舟也而謬操之也彼視淵若陵視舟之覆為其革却也覆却萬物方陳乎前而不得入其舍惡往而不暇以瓦摑者巧以鈎摑者憚以黃金摑者惜巧一也而有所矜則重外也凡重外者拱內孔子觀於呂梁懸水三十仞流沫三十里鼃龜魚鼈之所不能游也見一丈夫游之以為似有苦而欲死者也使弟子並流而承之數百步而出被髮行歌而游於棠行孔子從而問之曰呂梁懸水三十仞流沫三十里鼃龜魚鼈所不能游向吾見子道之以為有苦而欲死者使弟子並流將承子子出而被髮行歌吾以子為鬼也察子則人也請問蹈水有道乎曰亡吾無道吾始乎故長乎性成乎命與齋俱入與汨偕出從水之道而不為私焉此吾所以道之也孔子曰何謂始乎故長乎性成乎命也曰吾生於陵而安於陵故也長於水而安於水性也不知吾所以然而然命也仲尼適楚出於林中見病癩者承蜩猶

撮之也仲尼曰子巧乎有道邪曰我有道也五六月累丸九二而不墜則失者錙錄紫三而不墜則失者十一累五而不墜猶撮之也吾處也若檠株駒吾執臂若槁木之枝雖天地之大萬物之多而唯蜩翼之知吾不反不側不以萬物易蜩之翼何為而不得孔子頷謂弟子曰用志不分乃凝於神其兩癩丈人曰汝達衣徒也亦何知問是乎修汝所以而後載言其上海上之人有好漚鳥者每旦之海上從漚鳥游漚鳥之至者百住而不止其父曰吾聞漚鳥皆從汝游汝取來吾玩之明日之海上漚鳥舞而不下也故曰至言去言至為無為齊智之所知則淡矣趙襄子車徒十萬狩於中山藉枵煇林扇赫百里有一人從石壁中出隨煙爐上下眾謂鬼物火過徐行而出若無所經涉者襄子怪而留之徐而察之形色七竅人也氣息音聲人也問奚道而處石矣道而入火其人曰奚物而謂石矣物而謂火矣襄子曰而向之所出者石也而向之所涉者火也其人曰不知也魏文侯聞之

問于夏曰彼何人哉子夏曰以商所聞夫子之言和者大同於物物無得傷聞者游金石踏水火皆可也文侯曰吾子莫不為之子夏曰創心去智商未之能雖然試語之有暇矣文侯曰夫子莫不為之子夏曰夫子能之而不能不為者也文侯大說有神巫自齊來處於鄭命曰季咸知人死生存亡禍福壽夭期以歲月旬日如神鄭人見之皆避而走列子見之而心醉而歸以告壺丘子曰姑吾以夫子之道為至矣則又有至焉者矣壺子曰吾與女既其文未既其質而固得道歟眾雖而無雄而又奚卵焉而以道與世抗必信矣夫故使人得而相汝嘗試與來以子示之明日列子與之見壺子出而謂列子曰諸子之先生死矣弗活矣不可以旬數矣吾見怪焉見濕灰焉列子入佛位結衿以告壺子壺子曰向吾示之以地文罪命乎不命乎不止是殆見吾杜德幾也嘗又與來明日又與之見壺子出而謂列子曰幸矣子之先生遇我也有瘳矣灰然有生矣吾見杜權矣列子入告

壺子壺子曰向吾示之以天壤名實不入而幾發於踵此為杜權是殆見吾善者幾也嘗又與來明日又與之見壺子出而謂列子曰子之先生坐不齋吾無得而相焉試齋將且復相之列子入告壺子壺子曰向吾示之以太冲莫朕是殆見吾衝氣幾也鯁旋之潘為淵止水之潘為淵流水之潘為淵濫水之潘為淵沃水之潘為淵沈水之潘為淵涇水之潘為淵汧水之潘為淵肥水之潘為淵是為九淵焉嘗又與來明日又與之見壺子立未定自失而走壺子曰追之列子追之而不及反以報壺子曰已滅矣已失矣吾不及也壺子曰向吾示之以未始出吾宗吾與之虛而倚移不知其誰何因為茅靡因為波流故逃也然後列子自以為未始學而歸三年不出為其妻爨食稀如食人於事無親雕球復朴塊然獨以其形立怏然而封或盡以是終子列子之齊中道而反遇伯昏瞀人伯昏瞀人曰奚方而反曰吾驚焉惡乎驚吾食於十漿而五漿先饋伯昏瞀人曰若是則汝何

為驚已曰夫內誠不解形謀成先以外鎮人心使人輕乎貴老而整其所患夫聚人特為食美之貨無多餘之贏其為利也薄其為權也輕而猶若是而況萬乘之主身勞於國而智盡於事彼將任我以事而効我以功吾是以驚伯昏瞀人曰善哉觀乎汝處已人將保汝矣無幾何而往則戶外之屢滿矣伯昏瞀人北面而立敦杖感之乎順立有間不言而出賓者以告列子列子提履徒跣而走暨乎門問曰先生既來曾不廢樂乎曰已矣吾固告汝曰人將保汝果保汝矣非汝能使人保汝而汝不能使人無汝保也而為用之感也感豫出異且必有感也搖而本身又無謂也與汝遊者莫汝告也彼所小言盡人毒也莫覺莫悟何相孰也揚朱南之沛老聃西遊於秦遠於邽至梁而遇老子老子中道仰天而嘆曰始以汝為可教今不可教也揚朱不答至舍進滄澗巾搨履戶外膝行而前曰向者夫子仰天而嘆曰始以汝為可教今不可教弟子欲請夫子辭行不問是以不敢今夫

子問矣請問其過老子曰而睢睢而盱盱而誰與居大白若辱盛德若不足揚朱墨然變容曰敬聞命矣其往也舍者迎將家公執席妻執巾拂舍者避席場者避竈其反也舍者與之爭席矣揚朱過宋東之於遂極遂旅人有妻二人其一人美其一人惡惡者貴而美者賤揚子問其故遂旅小子對曰其美者自美吾不知其美也其惡者自惡吾不知其惡也揚子曰弟子記之行賢而去自賢之行安往而不愛哉天下有常勝之道有不常勝之道常勝之道曰柔常不勝之道曰強二者亦知而人未之知故上古之言強先不已若者柔先出於已者無所殆矣以此勝一身若徒以此任天下若徒謂不勝而自勝不任而自任也粥子曰欲剛必以柔守之欲強必以弱保之積於柔必剛積於弱必強觀其所積以知禍福之鄉強勝不若已至於若已者剛柔勝出於已者其力不可量老聃曰兵強則滅木強則折柔弱若生之徒堅強者死之徒狀

十七

不必童而智童智不必童而狀童聖人取童智而遺童狀眾人近童狀而疏童智狀與我童近而愛之狀與我異者疏而畏之有七尺之骸手足之異戴髮含齒倚而趨者謂之人而未必無獸心雖有獸心以狀而見觀矣傳翼戴角分牙布爪仰飛伏走謂之禽獸而禽獸未必無人心雖有人心以狀而見疏矣庖犧氏女媧氏神農氏夏后氏蛇身人面牛首虎鼻此有非人之狀而有大聖之德夏桀殺紂魯桓楚穆狀貌七竅皆同於人而有禽獸之心而眾人守一狀以求至智未可幾也黃帝與炎帝戰於阪泉之野帥熊羆狼豹羆虎為前驅鵬鴟鷹鷂為旗幟此以力使禽獸者也堯使夔典樂擊石拊石百獸率舞蕭韶九成鳳凰來儀此以聲致禽獸者也然則禽獸之心奚為異人形音與人異而不知接之之道焉聖人無所不知無所不通故得引而使之焉禽獸之智有自然與人童者其善欲攝生亦不假智於人也牝牡相偶母子相親避平依險違寒就溫居則有群行則有列小者

居內壯者居外飲則相携食則鳴群太古之時則與人同處與人並行帝王之時始離而駭散亂矣逮於末世隱伏逃竄以避患害今東方介氏之國其國人數數解六畜之語者蓋偏知之所得太古神聖之人備知萬物情態悉解異類音聲會而聚之訓而受之同於人民故先會鬼神魑魅次達八方人民末稟禽獸蟲蟻言血氣之類心智不殊遠也神聖知其如此故其所教訓者無所遺逸焉宋有祖公者愛祖養之成羣能解祖之意祖亦得公之心損其家口充祖之欲俄而置焉將限其食恐眾祖之不馴於已也先誑之曰與若茅朝三而暮四足乎眾祖皆起而怒俄而曰與若茅朝四而暮三足乎眾祖皆伏而喜物之能以鄙相羣皆猶此也聖人以智籠羣愚亦猶祖公之以智籠眾祖也名實不虧使其善怒戾紀消子為周宣王養鬪雞十日而問雞可閱已乎曰未也方虛驕而恃氣十日又問曰未也猶鷹影擊十日又問曰未也猶疾視而盛氣十日又問曰幾矣雞雖有鳴者已無

變矣望之似木雞矣其德全矣異難無敢應者反走耳惠益見宋康王康王蹠足聲歎疾言曰寡人之所說者勇有力也不說為仁義者也客將何以教寡人惠益對曰臣有道於此使人雖有勇刺之不入雖有力擊之弗中大王獨無意邪宋王曰善此寡人之所欲聞也惠益曰夫刺之不入擊之不中此猶辱也臣有道於此使人雖有勇弗敢刺雖有力弗敢擊夫弗敢非無其志也臣有道於此使人本無其志也夫無其志者未有愛利之心也○臣有道於此使天下丈夫女子莫不驩然皆欲愛利之此其賢於勇有力也四累之上也大王獨無意邪宋王曰此寡人之所欲得也惠益對曰孔墨是已孔丘墨翟無地而為君無官而為長天下丈夫女子莫不延頸舉踵而願安利之今大王萬乘之主也誠有其志則四境之內皆得其利矣其賢於孔墨也遠矣宋王無以應惠益趨而出宋王謂左右曰辯矣客之以說服寡人也

冲虛至德真經卷中
周穆王第三
周穆王時西極之國有化人來入水火貫金石及山川移城邑乘虛不墜觸實不礙千變萬化不可窮極既已變物之形又且易人之慮穆王敬之若神事之若君推路寢以居之引三牲以進之選女樂以娛之化人以爲五之宮室卑陋而不可處王之廚饌腥蠃而不可饗王之嬪御醜惡而不可親穆王乃爲之改築土木之功精聖之色無遺巧馬五府爲虛而臺始成其高千仞臨終南之上號曰中天之臺簡鄭術之處子娥媚靡曼者施芳澤正娥眉設弄珥衣阿錫曳齊紈粉白黛黑珮玉環雜芷若以滿之奏承雲六笙九韶晨露以樂之月月獻玉衣旦旦薦玉食化人猶不倉然不得已而臨之居亡幾何謁王同遊王執化人之袂騰而上者中天絕止暨及化人之宮化人之宮構以金銀絡以珠玉出雲雨之上而不知下之葆望之若屯雲焉耳目所觀聽鼻口所納嘗皆非人間之有王實以爲

清都紫微鈞天廣樂帝之所居王俯而視之其宮榭若累塊積蘇馬王自以居數十年不思其國也化人復謁王同游所及之處仰不見日月俯不見河海光影所照王目眩不能得視音響所來王耳亂不能得聽百骸六藏悸而不凝意迷精喪請化人求還化人移之王若殞虛焉既寢所坐猶嚮者之處侍御猶嚮者之人視其前則酒未清者未睇^切王問所從來左右曰王默存耳由此穆王自失者三月而復更問化人化人曰吾與王神游也形奚動哉且曩之所居冥異王之宮曩之所游冥異王之圖王問恒疑變亡變化之極疾徐之間可盡模哉王大悅不恤國事不禁臣妾肆恣遠游命駕八駿之乘右服駒^{音駒}而左綠耳右騂赤驥而左白^音主車則造父爲御^音商^音爲右次車之乘右服渠黃而左踰輪左騂盜驪而右山子栢夫主車參百爲御奔戎爲右馳驅千里至于巨蒐氏之國巨蒐氏乃獻白鵠之血以飲王具牛馬之漣以洗王之足及二乘之人已飲而行遂宿